

## Disgrifiad Swydd

|                        |                                                                                                            |
|------------------------|------------------------------------------------------------------------------------------------------------|
| <b>CYFARWYDDIAETH:</b> | Gwasanaethau Cymdeithasol a Llesiant                                                                       |
| <b>ADRAN:</b>          | Gofal Cymdeithasol i Oedolion                                                                              |
| <b>SWYDD:</b>          | Therapydd Galwedigaethol 1 a 2                                                                             |
| <b>GRADD Y SWYDD:</b>  | Gradd 10 – Newydd Gymhwyso<br>Gradd 12 – Yn amodol ar 2 flynedd o brofiad ôl-gymhwyso                      |
| <b>YN ATEBOL I'R:</b>  | Rheolwr Cynorthwyol - Tîm Asesu ac Ailalluogi Tymor Byr /<br>Rheolwr Tîm Cynorthwyol – Tîm Asesu Arbenigol |

---

### DIBEN Y SWYDD:

I ddarparu mewnbwn Therapi Galwedigaethol i'r gawasanaeyh gofal cartref Cymorth Gartref. Nod y gwasanaeth yw cynnal neu wella gweithrediad pobl sy'n byw gyda Demntia neu nam gwybyddol. Darperir y gwasanaeth gan dim o Weithwyr Gofal Cymdeithasaol a byddwch yn darparu'r aeweiniad proffesiynol i'e tim.

Prif nod Therapi Galwedigaethol mewn Gofal Cymdeithasol yw sicrhau annibyniaeth a diogelwch mwyaf posibl pobl sydd ag anghenion cymhleth sy'n deillio o anableddau corfforol a gwybyddol, rhoi cyngor sy'n eu helpu i reoli effeithiau eu cyflwr a chynorthwyo'r rhai sy'n rhoi gofal iddynt yn eu cartref a'u hamgylchedd eu hunain. Bydd y Therapydd Galwedigaethol yn gweithio ar y cyd ag amrywiaeth eang o weithwyr proffesiynol iechyd, gofal cymdeithasol a thai yn ogystal ag asiantaethau partner a darparwyr gwasanaethau i sicrhau bod gofal cymdeithasol yn cael ei ddarparu yn y ffordd fwyaf effeithlon a chost-effeithiol posibl.

Defnyddio ei sgiliau clinigol a'i wybodaeth arbenigol i gynnal asesiadau gweithredol ac amgylcheddol yn y cartref gydag unigolion sydd ag anableddau corfforol a gwybyddol. Bydd y Therapydd Galwedigaethol yn gweithio gyda phobl o bob oedran er mwyn helpu i fynd i'r afael â'r problemau ymarferol, bob dydd a all ddeillio o anabledd ac i sicrhau cymaint o annibyniaeth â phosibl iddynt.

Datblygu cynlluniau ymyriad i ddiwallu anghenion a nodwyd ar gyfer yr unigolyn, gwneud y trefniadau angenrheidiol i weithredu'r cynllun ymyriad, gwerthuso canlyniad ei ymyriad a hysbysu a chynnwys eraill fel y bo'n briodol.

Dilyn y safonau proffesiynol ac ymarferol a osodwyd gan y Coleg Brenhinol Therapyddion Galwedigaethol a chan y Cyngor ar bob adeg.

---

### PRIF GYFRIFOLDEBAU A GWEITHGAREDDAU:

- Cynnal asesiadau Therapi Galwedigaethol arbenigol o bobl sydd ag anghenion sy'n deillio o anableddau corfforol neu wybyddol yn eu hamgylchedd cartref, gan nodi rhwystrau gweithredol ac amgylcheddol i annibyniaeth, gan weithio'n unigol ac ar y cyd â gweithwyr proffesiynol iechyd, gofal cymdeithasol a thai eraill fel sy'n ofynnol.
- Defnyddio amrywiaeth eang o sgiliau a gwybodaeth Therapi Galwedigaethol i roi cyngor ar dechnegau sy'n gwella gweithrediad, yn hybu annibyniaeth, yn helpu pobl i reoli effeithiau eu cyflyrau, cynyddu diogelwch, neu'n cynorthwyo'r rhai sy'n rhoi gofal.
- Yn dilyn asesiad cynhwysfawr o risgiau, rhagnodi offer neu addasiadau sy'n hyrwyddo annibyniaeth, yn gwella diogelwch neu'n cefnogi'r rhai sy'n rhoi gofal yn eu rôl. Bod yn broffesiynol gyfrifol am unrhyw offer neu addasiadau a ragnodwyd.
- Yn ôl y galw, ymgymryd â rôl Gweithiwr Proffesiynol Arweiniol/cydlunydd gofal mewn ymyriadau amlddisgyblaethol. Bydd hyn yn cynnwys cynnull a chadeirio cyfarfodydd a chynadledau achos gyda theuluoedd, cynrychiolwyr asiantaethau partner, a/neu eraill a chyflwyno gwybodaeth mewn amrywiaeth o fformatau.
- Cynnal asesiadau risg codi a chario a rhoi gwybodaeth am arferion gweithio diogel i'r rhai sy'n cael tâl am roi gofal a'r rhai sy'n rhoi gofal yn anffurfiol. Bydd hyn yn cynnwys cynghori defnyddwyr gwasanaethau, y rhai sy'n rhoi gofal a staff ynghylch codi a chario'n ddiogel a thechnegau trosglwyddo.
- Cysylltu ag asiantaethau partner, unigolion, y rhai sy'n rhoi gofal ac eraill ar faterion sy'n ymwneud ag addasiadau amgylcheddol, offer cymunedol a darparu gofal.
- Mynd ati'n annibynnol i reoli llwyth achosion cymhleth, gan sicrhau bod pecynnau gofal yn cael eu teilwra i ddefnyddio offer cymunedol i'w botensial mwyaf a galluogi codi a chario gan ofalwr unigol lle bynnag y bo'n ymarferol. Sicrhau bod yr holl gofnodion a dogfennaeth yn cael eu cynnal yn unol â safonau gwasanaeth Coleg y Therapyddion Galwedigaethol, yr awdurdod lleol a'r gwasanaeth a gallu rhoi adborth cywir i eraill.
- Paratoi adroddiadau safonol a chyfrannu at adroddiadau i'r llys/tribiwnlysoedd yn ôl yr angen.
- Cymryd rhan mewn datblygiad proffesiynol parhaus staff yn y tîm a chyfrannu at hyn a mynd ati i gyfrannu at hyfforddi a datblygu timau a gwasanaethau eraill drwy rannu gwerthoedd ac ymarfer Therapi Galwedigaethol.

### **Gradd 12 – Fel yr uchod ynghyd â:**

- Cynnal asesiadau mwy cymhleth/arbenigol o amgylchiadau a materion yr unigolyn.
- Arwain cydweithio yn rheolaidd â Therapyddion Galwedigaethol llai profiadol mewn achosion cymhleth.
- Rhoi cyngor a chanllawiau mwy arbenigol i Therapyddion Galwedigaethol llai profiadol ac aelodau eraill o'r tîm a chynorthwyo eu datblygiad.
- Darparu goruchwyliaeth a mentora i staff cymorth, myfyrwyr ac aseswyr dibynadwy yn y tîm.
- Ymgymryd ag achosion sensitif, acíwt a chymhleth ar gyfer oedolion sy'n gofyn am lunio asesiadau cynhwysfawr a/neu adroddiadau ar gyfer y Llys Gwarchod, Llys Ynadon, Llys Sirol, Tribiwnlysoedd a Threfniadau Diogelu wrth Amddifadu

o Ryddid (Dols). Rhoi cyngor/tystiolaeth broffesiynol a gweithredu fel tyst arbenigol, yn bersonol, yn ôl yr angen.

- Mynd ati'n rheolaidd i gynrychioli ac eirioli ar ran unigolion agored i niwed, teuluoedd a gofalwyr gan sicrhau bod eu hawlau'n cael eu cadarnhau mewn fforymau gwahanol, e.e. cynrychioli'r cyngor mewn lleoliadau amlasiantaethol a rhyngddisgyblaethol.
- Cynnal Asesiadau Galluedd Meddyliol (MCA) a phenderfyniadau budd pennaf yn unol ag egwyddorion yr MCA (2005).

## **DYLETSWYDDAU CYFFREDINOL**

### **Iechyd a Diogelwch**

Cyflawni'r rolau a chyfrifoldebau cyffredinol a phenodol a nodir yn y [Polisi Iechyd a Diogelwch](#)

### **Cyfle Cyfartal**

Sicrhau bod pob gweithgaredd yn cael ei weithredu yn unol â deddfwriaeth cyfle cyfartal ac arfer gorau.

### **Diogelu**

Mae amddiffyn plant, pobl ifanc neu oedolion mewn perygl yn un o gyfrifoldebau craidd pob cyflogai. Dylid rhoi gwybod am unrhyw bryderon i'r Tîm Diogelu Oedolion neu'r Gwasanaeth IAA Plant o fewn MASH.

### **Adolygiad a Hawl i Amrywio**

Mae'r Disgrifiad Swydd hwn fel yr un cyfredol a chaiff ei adolygu'n rheolaidd. Efallai y bydd gofyn i chi gyflawni tasgau eraill y gellir eu neilltuo i chi'n rhesymol, gan gynnwys gweithgareddau datblygu, sydd o fewn eich gallu a'ch gradd.

### **Swyddfa Cofnodion Troseddol**

Mae'r swydd hon yn ei gwneud yn ofynnol cael gwiriad cofnodion troseddol drwy'r Gwasanaeth Datgelu a Gwahardd (DBS).

## Manyleb y Person

### Therapydd Galwedigaethol 1 a 2

Mae'r priodoledau canlynol yn cynrychioli amrediad y sgiliau, y galluoedd a'r profiad ac ati sy'n berthnasol i'r swydd hon. Disgwylir i'r ymgeiswyr fodloni'r priodoledau sydd wedi'u nodi fel rhai hanfodol (Ydy).

| Priodoledau                               | Gofynion                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                            | Hanfodol                                                                                                  | Dull Gwerthuso / Profi                                        |
|-------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------|---------------------------------------------------------------|
| <b>Cymwysterau, Addysg a Hyfforddiant</b> | <ul style="list-style-type: none"> <li>Cymhwyster Therapi Galwedigaethol cydnabyddedig e.e. BSc Anrhyd, DipCOT.</li> <li>Cofrestriad HCPC dilys fel Therapydd Galwedigaethol ar gyfer arfer proffesiynol.</li> <li>O leiaf 2 flynedd o brofiad ôl-gymhwyso.</li> </ul>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              | <p>Ydy</p> <p>Ydy</p> <p>OT2 yn unig</p>                                                                  | Cyflwyno tystysgrifau cymwysterau gwreiddiol a ffurflen gais. |
| <b>Gwybodaeth a Phrofiad</b>              | <ul style="list-style-type: none"> <li>Profiad o weithio gyda phobl hŷn ac anabl sydd ag anghenion cymhleth ac effeithiau hyn ar unigolion/ gofawyr/ teulu.</li> <li>Ymrwymiad i ddulliau amlddisgyblaethol ac integredig effeithiol o ran gwaith.</li> <li>Profiad o ragnodi offer cymunedol ac addasiadau mawr.</li> <li>Profiad o gynllunio a gweithredu rhaglenni adsefydlu.</li> <li>Profiad o ddefnyddio systemau TG a chronfeydd data at ddibenion gwaith.</li> <li>Gwybodaeth am faterion cyfredol ac arfer gorau'n ymwneud â Therapi Galwedigaethol.</li> <li>Gwybodaeth am bolisi cenedlaethol, canllawiau statudol a'r Gyfraith bresennol fel y maent yn cael eu cymhwyso a sut y maent yn effeithio ar bobl sy'n fregus ac yn anabl o ran darparu Gwasanaethau Gofal Cymdeithasol ac Iechyd a Thai.</li> <li>Gwybodaeth am y Fframwaith Asesu Integredig a Gofal Parhaus y GIG.</li> <li>Profiad o reoli achosion cymhleth.</li> <li>Gwybodaeth gynhwysfawr am bolisiau a phrosesau Diogelu, y Ddeddf Galluedd Meddyliol/DoLs a'r Llys Gwarchod a chymhwyso hyn.</li> <li>Profiad uniongyrchol o waith llys.</li> </ul> | <p>Ydy</p> <p>Ydy</p> <p>Ydy</p> <p>Ydy</p> <p>Ydy</p> <p>OT2 yn unig<br/>OT2 yn unig<br/>OT2 yn unig</p> | Cyfweliad, ffurflen gais a phroses ddethol.                   |

| Priodoleddau                         | Gofynion                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     | Hanfodol                                                                                                                              | Dull Gwerthuso / Profi                       |
|--------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------|----------------------------------------------|
| <b>Sgiliau a Rhinweddau Personol</b> | <ul style="list-style-type: none"> <li>Sgiliau rhyngpersonol a phobl da.</li> <li>Gallu rheoli eich llwyth gwaith eich hun, blaenoriaethu achosion yn briodol, gyda chymorth rheolaidd a goruchwyliaeth Uwch-ymarferydd Rheolwr Cynorthwyol Therapi Galwedigaethol.</li> <li>Gallu gweithio'n therapiwtig gydag unigolion, teuluoedd a gofalwyr, ac fel rhan o dîm amlddisgyblaethol integredig</li> <li>Gallu ac ymrwymiad i weithio yn ôl egwyddorion dulliau sy'n seiliedig ar gryfderau a'r model cymdeithasol o anabledd.</li> <li>Gallu gweithio mewn partneriaeth â gweithwyr proffesiynol a sefydliadau eraill.</li> <li>Yn rhagweithiol wrth geisio'r canlyniadau gorau i unigolion a'u teuluoedd.</li> <li>Gallu gweithio'n hyblyg ac yn rhagweithiol.</li> <li>Sgiliau cadw cofnodion cywir ac ysgrifennu adroddiadau.</li> <li>Trwydded yrru gyda mynediad i gerbyd.</li> <li>Bod yn gyfrifol am sicrhau eich datblygiad proffesiynol parhaus eich hun, a chynnal portffolio ysgrifenedig.</li> <li>Dangos gallu i wneud penderfyniadau effeithiol, annibynnol, gan gymhwyso lefel uchel o allu ymarfer wrth reoli llwyth achosion cymhleth iawn.</li> <li>Sgiliau datrys problemau rhagorol wrth weithio o dan bwysau a blaenoriaethu llwythi achosion.</li> <li>Sgiliau asesu ac ymchwilio amlwg.</li> <li>Gallu cyfathrebu drwy gyfrwng y Gymraeg.</li> </ul> | <p>Ydy</p> <p>Ydy</p> <p>Ydy</p> <p>Ydy</p> <p>Ydy</p> <p>Ydy</p> <p>Ydy</p> <p>OT2 yn unig</p> <p>OT2 yn unig</p> <p>OT2 yn unig</p> | Cyfweliad, ffurflen gais, a phroses ddethol. |